

PULIHAN SA MALANGKOBON-SA-TANAN, MASANGKARONG CRISTO ANG KULTURA ALANG SA USANG BAG-ONG TAWO

Mensahe 2

Ikinabuhi ang Malangkobon-sa-tanan, Masangkarong Cristo imbis ang Atong Kultura

Basahong Kasulatan: Efe. 3:11, 16-17; Fil. 1:20-21; Col. 1:15, 18, 27; 3:4, 10-11

- I. Ang sentrong hunahuna sa Biblia mao nga tinguha sa Dios nga ikinabuhi nato si Cristo alang sa iglesia nga Lawas ni Cristo, ang usang bag-ong tawo—Fil. 1:21; Efe. 2:15-16:**
- A. Tuyo sa Dios nga masuropan, matuhopan, mapuno, ug masul-oban tag Cristo aron ikinabuhi nato Siya—3:17; Gal. 2:20; 3:27; 4:19.
 - B. Ang Cristohanong kinabuhi kinabuhi nga nagkinabuhi ug nagpadako ni Cristo ang Iyang mga magtutuo—Fil. 1:20-21.
 - C. Ang pagkinabuhi kang Cristo pagkinabuhi mag persona, ni Cristo mismo—Col. 1:27; Rom. 8:10:
 - 1. Kon buot natong ikinabuhi si Cristo, himoon gyod nato Siya nga persona nato ug ma-usa ka persona Kaniya; praktikal gyod untang mausa Siya ug kita—1 Cor. 6:17.
 - 2. Kon mahayagan ta nga napulihan na si Cristo sa inadlawng pagkinabuhi nato, mosugid ta sa Ginoo nga imbis magkinabuhi Niya nagkinabuhi ta sa daghang ubang butang, nga labi tang nagkinabuhi sa kultura kay ni Cristo—1 Juan 1:7.
 - D. Ang hinungdan nga wala ta magkinabuhi ni Cristo kay wala man ta maumolig Cristo; ang naumol kanato mao gyoy ikinabuhi nato—Col. 3:4, 10-11; Efe. 3:17.
- II. Kalabot nianang batok sa kultura ang malangkobon-sa-tanan, masangkarong Cristo, kinahanglan makita nato nga segun sa hingpit nga pina-dayag sa Biblia, tuyo sa Dios nga iumol ang Iyang Kaugalingon diha ni Cristo nganha sa pinili, tinubos, ug gipanganak pag-usab nga katawhan Niya—Gal. 1:15-16; 2:20; 4:19:**
- A. Ang sentrong buhat sa Dios, ang bugtong-talagsaong buhat Niya, sa uniberso ug sa tanang kapanahonan ug kaliwatan pag-umol man sa Iyang Kaugalingon diha ni Cristo nganha sa Iyang piniling katawhan, ipausa ang Iyang Kaugalingon kanila—Efe. 3:17; 1 Cor. 6:17.
 - B. Tuyo sa Dios nga hingpit gyong iumol ang Iyang Kaugalingon diha ni Cristo nganhi nato, himoon Siya nga mga elemento nato sa sulod—Efe. 3:11, 16-19.
 - C. Aron matuman ang walay kataposang pamatigayon sa Dios, itukod gyod sa Dios ang Iyang Kaugalingon diha ni Cristo nganhi sa atong pagkatawo, itukod ang Iyang Kaugalingon diha ni Cristo nganhi nato ingon nga atong kinabuhi, kinaiya, ug pagkamao aron himoon tang Dios sa kinabuhi ug kinaiya apan dili sa ranggo sa pagka-Dios—2 Sam. 7:12-14; Rom. 1:3-4; Efe. 3:17; Juan 14:23; Col. 3:10-11:
 - 1. Gikinahanglan nato nga itukod sa Dios ang Iyang Kaugalingon diha ni Cristo nganha sa tiunay natong pagkamao aron maumol pag-usab ni Cristo ang tibuok natong pagkatawo—Efe. 3:17.

2. Gitukod ni Cristo ang iglesia sa pagsulod Niya sa atong espiritu ug pagpakaylap sa Iyang Kaugalingon gikan sa atong espiritu nganha sa atong hunahuna, pagbati, ug pagbuot aron maokupahan ang tibuok natong kalag—Mat. 16:18; Efe. 3:17.

III. Sa pag-ingon nga batok si Cristo sa kultura, wala ta moingon nga biyaan gyod nato ang atong kultura ug magkinabuhi nga wala gyoy bisan unsang kultura—Col. 3:10-11:

- A. Magkinabuhi gyod sumala sa kultura ang mga walay Cristo, kay mopreserba, modumala, ug mopaarang-arang man sa tawo ang kultura.
- B. Sa dili pa nato madawat ang malangkobon-sa-tanan, masangkarong Cristo, nagkinahanglan ang tanan og kultura.
- C. Sa madawat na nato si Cristo, dili gyod nato palimitihan sa kultura si Cristo o magpaulang ba ta niini sa pagsinati ug pagpahimulos nato ni Cristo; katonan gyod hinuon dayon nato nga magkinabuhi uyon ni Cristo, dili uyon sa kultura—2:6-7.
- D. Sa magdako ang mga bata, gikinahanglan nila ang kultura ug ang kasugoan—Gal. 3:23-28:
 1. Sa dili pa madawat sa mga bata si Cristo, bansayon gyod sila sumala sa kultura ug diha sa kasugoan—vv. 23-24.
 2. Sa madawat na nila si Cristo, inanay nato silang matabangan nga motalikod sa kultura ug adto na ni Cristo—Juan 1:12-13; 6:57.

IV. Kay nadawat na man nato si Cristo, dili gyod nato papulihon Niya ang kultura—Col. 2:6; 3:10-11:

- A. Batok ni Cristo ang tanang matang nga kultura, ug batok si Cristo sa tanang matang nga kultura—v. 11:
 1. Batok ni Cristo ang bisan unsang kultura, bisan unsang matanga pa kini.
 2. Bulag ni Cristo, tanang naa nato ug tanang produkto ug pag-uswag sa tawo bahin man sa kultura.
- B. Ang hinungdang naglimiti sa pag-uswag sa pagpahimulos nato ni Cristo mao ang kultura; natural kaayong mopugong nato sa tinuod nga pagsinati kang Cristo ang kulturang naa sa sulod nato—Fil. 3:3-9.
- C. Kay giulang man ta sa atong kultura sa pagsinati, pagpahimulos, ug pagkinabuhi kang Cristo, giluwanan gyod ta pag-ayo sa Ginoo nga praktikal untag makat-on ang tanang balaan sa pahiuili sa Ginoo sa paghimo kang Cristo nga ilang kinabuhi ug persona aron mopuli sa ilang kultura—Efe. 3:17; Col. 3:4.
- D. Diha ni Cristo duna tay kagawasan nga mopadaplin sa atong kultura aron modako ang atong kapasidad sa pagpahimulos sa Ginoo; ihatag gyod nato ni Cristo ang tanang luna sa atong sulod.
- E. Kon ihatag nato ni Cristo ang tanang kapasidad nato sa sulod, diha-dayon mapulihan ni Cristo nga nagpuyo nato ang kulturang naa sa sulod nato—1:27; 3:11.

V. Mahinungdanon nga makita nato ang panan-awon sa pagkamalangkobon-sa-tanan ug pagkamasangkaron ni Cristo; dili gyod ta maningkamot sa pag-salikway sa atong kultura nga wala kining panan-awon bahin ni Cristo—Buh. 26:19; Efe. 1:17-23:

- A. Dili gamay, limitadong Cristo ang Cristong nagpuyo sa sulod nato; Siya ang dagway sa Dios nga dili makita, ang pagkalawas sa kahupnganan sa Dios, ug ang sentrong punto sa pamatigayon sa Dios—Col. 1:15, 18; 2:2, 9-10:

1. Nagpuyo kanato karon kanang Cristoha ug naghulat sa higayon nga ikapaylay ang Iyang Kaugalingon sa tibuok natong pagkatawo—1:27.
 2. Mahimo gyod untang tanan sa adlaw-adlaw natong pagkinabuhi kining Cristoha, ug ikinabuhi gyod nato Siya, dili gyod hatagag luna ang kultura sa atong pagkinabuhi—Fil. 1:21; Col. 3:11.
- B. Makakita na ngani ta sa panan-awon sa malangkobon-sa-tanan, masangkarong Cristo, ipadaplin gyod dayon nato ang iya-sa-kulturang kagikan nato ug dili papulihan o palimitihan ba niini si Cristo—Buh. 9:4-5; 26:19; Fil. 3:7-10:
1. Dili gyod nato hatagag luna sa atong pagkinabuhi ang kultura.
 2. Ihatag hinuon nato sa malangkobon-sa-tanan, masangkarong Cristo nga nagpuyo nato ang tanang luna sa sulod nato —Col. 1:27.
- C. Kon makita nato ang panan-awon sa nagpuyo-sa-sulod, malangkobon-sa-tanan, masangkarong Cristo, diha-dayon biyaan nato ang atong kultura—3:10-11:
1. Kaniadto, gipulihan sa kultura si Cristo, apan makita na ngani nato kining panan-awona, mapulihan ni Cristo ang kulturang naa nato—v. 11.
 2. Imbis maningkamot nga mobiya sa atong kultura, magkinabuhi lang ta ni Cristo, ug pulihan ni Cristo sa Iyang Kaugalingon ang atong kultura—Fil. 1:21.
- D. Magkinabuhi ngani ta ni Cristo, diha-dayon mahigawas ta sa kultura, ug awtomatikong pulihan ni Cristo nga gikinabuhi nato ang atong kultura; kini ang pinadayag sa basahon sa Colosas—1:15, 18, 27; 2:2, 9-10; 3:4, 10-11.